



## PASTOR ET OVES

1 Hic vir, quī in campō ambulat, pāstor Iūliū est. Pāstor  
nōn sōlus est in campō, nam canis niger cum eō est et  
centum ovēs: ūna ovis nigra et ūndēcentum ovēs albae.  
Pāstor ūnam ovem nigram et multās ovēs albās habet. Is  
5 est dominus ovis nigrae et ovium albārum. Pāstor ovī  
nigrae et ovibus albīs aquam et cibum dat. Cum ūnā ove  
nigrā et ūndēcentum ovibus albīs pāstor in campō est.

Cibus ovium est herba, quae in campō est. In rīvō est  
aqua. Ovēs in campō herbam edunt, et aquam bibunt ē  
10 rīvō, quī inter campum et silvam est. Canis herbam nōn  
ēst, neque pāstor herbam ēst. Cibus pāstōris est pānis,  
quī inest in saccō. Iūlius pāstōrī suō pānem dat. Pāstor  
canī suō cibum dat: canis ā pāstōre cibum accipit. Ita-  
que canis pāstōrem amat.

ūn-dē-centum = IC (99)

albus -a -um ↔ niger  
-gra -grum

	sing	plūr
nōm	ovis	ovēs
acc	ovem	ovēs
gen	ovis	ovium
dat	ovī	ovibus
abl	ove	ovibus

rīvus = parvus fluvius



ēst edunt  
vir pānem ēst  
virī pānem edunt

	<i>sing</i>	<i>plūr</i>
<i>nōm</i>	pāstor	pāstōrēs
<i>acc</i>	pāstōrem	pāstōrēs
<i>gen</i>	pāstōris	pāstōrum
<i>dat</i>	pāstōrī	pāstōribus
<i>abl</i>	pāstōre	pāstōribus

ūnus mōns (< monts)  
duo montēs

vallis ↔ mōns

ūna arbor  
duae arborēs

lupus



suprā *prp* + *acc*

nūbēs



ūna nūbēs  
duae nūbēs

sub *prp* + *abl* ↔ suprā  
umbra ↔ sōl

umbram petit = ad umbram adit



pāstor in umbrā iacet

ovēs albās relinquit = ab ovibus albīs abit

In Italiā sunt multī pāstōrēs. Quī viā Appiā Rōmā 15  
Brundisium it multōs pāstōrēs videt in campīs. Nume-  
rus pāstōrum magnus est. Dominī pāstōribus suīs ci-  
bum dant. Canēs ā pāstōribus cibum accipiunt.

Post campum montēs sunt. Inter montēs sunt vallēs.  
In campō est collis. (Collis est mōns parvus.) In colle 20  
arbor est. In silvā multae arborēs sunt. Ovēs nōn in silvā  
neque in monte, sed in campō sunt. In silvā est lupus.  
Pāstor et ovēs lupum timent, nam lupus ovēs ēst. In silvīs  
et in montibus lupī sunt, in vallibus nullī sunt lupī.

Sōl in caelō est suprā campum. In caelō nulla nūbēs 25  
vidētur. Caelum est suprā terram. Montēs et vallēs,  
campī silvaeque sunt in terrā. In caelō sōl et nūbēs sunt,  
sed suprā hunc campum caelum sine nūbibus est. Ita-  
que sōl lūcet in campō.

Pāstor in sōle ambulat. Sub arbore autem umbra est. 30  
Pāstor, quī nullam nūbem videt in caelō, cum cane et  
ovibus ad arborem adit. Pāstor umbram petit. Etiam  
ovēs umbram petunt: post pāstōrem ad arborem ad-  
eunt. Pāstor ovēs suās ad arborem dūcit.

Ecce pāstor in umbrā arboris iacet cum cane et ovi- 35  
bus. Arbor pāstōrī et canī et ovibus umbram dat; sed  
ovis nigra cum paucīs aliīs in sōle iacet. Pāstor, quī  
fessus est, oculōs claudit et dormit. Canis nōn dormit.

Dum pāstor in herbā dormit, ovis nigra ab ovibus albīs 40  
abit et ad rīvum currit. Ovis nigra ovēs albās relinquit et  
rīvum petit; aquam bibit ē rīvō, et in silvam intrat!

Canis lātrat: "Baubau!" Pāstor oculōs aperit, ovēs  
aspicit, ovem nigram nōn videt. Pāstor ovēs numerat:  
"Ūna, duae, trēs, quattuor, quīque..... ūndēcentum."

45 Numerus ovium est ūndēcentum, nōn centum. Nūllae  
ovēs albae absunt, sed abest ovis nigra. Pāstor et canis  
ovēs albās relinquunt et silvam petunt. Pāstor saccum  
cum pāne in colle relinquit.

Dum cēterae ovēs ā pāstōre numerantur, ovis nigra in  
50 magnā silvā, ubi via nūlla est, errat. Ovis, quae iam  
procul ā pāstōre cēterisque ovibus abest, neque caelum  
neque sōlem suprā sē videt. Sub arboribus sōl nōn lū-  
cet. Ovis nigra in umbrā est.

In terrā inter arborēs sunt vestīgia lupī. Ubi est lupus  
55 ipse? Nōn procul abest. Ovis vestīgia lupī in terrā videt,  
neque lupum ipsum videt. Itaque ovis lupum nōn ti-  
met. Parva ovis sine timōre inter arborēs errat.

Lupus autem prope ovem est. Pāstor et canis procul  
ab eā sunt. Lupus, quī cibum nōn habet, per silvam  
60 errat. Lupus in silvā cibum quaerit, dum pāstor et canis  
ovem nigram quaerunt.

Pāstor: "Ubi est ovis nigra? Age! quaere ovem, canis,  
et reperī eam!" Canis ovem quaerit et vestīgia eius in  
terrā reperit, neque ovem ipsam reperit. Canis lātrat.

65 Pāstor: "Ecce vestīgia ovis. Ubi est ovis ipsa? Dūc mē  
ad eam, canis!" Canis dominum suum per silvam dūcit  
ad ovem, sed ovis procul abest.

Lupus ululat: "Uhū!" Et ovis et canis lupum audiunt.



vestīgium

*lupus ipse, acc lupum  
ipsum*

*timor -ōris (gen) m  
< timet*

*ovis ipsa, acc ovem ipsam*

*dūcit dūcunt  
dūc! dūcite! (imp)*



dēns

ūnus dēns (< dents)  
duo dentēs

ac-currit < ad-currit

prope ↔ procul

clāmor -ōris (gen) m  
< clāmat



pāstor ovem in umerōs  
im-pōnit (< in-pōnit)

dēclīnātiō -ōnis f (dēcl)  
< dēclīnat

modus -ī m: modō abl

-a -ae  
-am -ās  
-ae -ārum  
-ae -īs  
-ā -īs

Canis currit. Ovis cōnsistit et exspectat dum lupus venit. Ovis bālat: "Bābā!"

70

Ecce lupus quī ante ovem est! Iam ovis lupum ipsum ante sē videt. Oculī lupī in umbrā lūcent ut gemmae et dentēs ut margaritae. Parva ovis oculōs claudit et dentēs lupī exspectat. Lupus collum ovis petit dentibus...

Sed ecce canis accurrit! Lupus sē ab ove vertit ad canem, quī ante lupum cōnsistit et dentēs ostendit. Lupus ululat. Canis lātrat. Ovis bālat.

75

Pāstor, quī iam prope est, clāmat: "Pete lupum!" Canis clāmōrem pāstōris audit, et sine timōre lupum petit. Lupus autem ovem relinquit et montēs petit.

80

Pāstor quoque accurrit et ovem suam, quae in terrā iacet, aspicit. In collō eius sunt vestīgia dentium lupī! Ovis oculōs aperit et ad pāstōrem suum bālat.

Pāstor laetus ovem in umerōs impōnit eamque portat ad cēterās ovēs, quae sine pāstōre in campō errant.

85

Procul in monte lupus ululat.

## GRAMMATICA LATINA

### Dēclīnātiō vocābulōrum

#### [I] Dēclīnātiō prīma.

Vocābulum 'īnsula' dēclīnātur hōc modō:

90

	<i>Singulāris</i>	<i>Plūrālis</i>
<i>Nōminātīvus</i>	īnsul a	īnsul ae
<i>Accūsātīvus</i>	īnsul am	īnsul ās
<i>Genetīvus</i>	īnsul ae	īnsul ārum
<i>Datīvus</i>	īnsul ae	īnsul īs
<i>Ablātīvus</i>	īnsul ā	īnsul īs

95

Hōc modō dēclīnantur multa vocābula fēminīna. Exempla: fēmina, puella, filia, domina, ancilla, familia, littera, pecūnia, mēnsa, vīlla, aqua, via, silva, terra, cēt.

hōc modō : ut 'insula'

100 [II] Dēclīnātiō secunda.

	<i>Sing.</i>	<i>Plūr.</i>	<i>Sing.</i>	<i>Plūr.</i>		
<i>Nōm.</i> [A]	serv us	serv ī	[B] verb um	verb a	-us/-um	-ī/-a
<i>Acc.</i>	serv um	serv ōs	verb um	verb a	-um	-ōs/-a
<i>Gen.</i>	serv ī	serv ōrum	verb ī	verb ōrum	-ī	-ōrum
105 <i>Dat.</i>	serv ō	serv īs	verb ō	verb īs	-ō	-īs
<i>Abl.</i>	serv ō	serv īs	verb ō	verb īs	-ō	-īs

[A] Ut 'servus' dēclīnantur vocābula masculīna: filius, dominus, fluvius, numerus, nummus, hortus, nāsus, mūrus, equus, saccus, umerus, amīcus, oculus, campus, rīvus, lupus, cēt.; puer, vir, liber (nōm. sing. sine -us).

[B] Ut 'verbum' dēclīnantur vocābula neutra: oppidum, exemplum, baculum, ōstium, cubiculum, speculum, mālum, ōrnāmentum, collum, pretium, caelum, vestīgium, cēt.

[III] Dēclīnātiō tertia.

	<i>Sing.</i>	<i>Plūr.</i>	<i>Sing.</i>	<i>Plūr.</i>		
115 <i>Nōm.</i> [A]	pāstor	pāstōr ēs	[B] ov is	ov ēs	-/-is	-ēs
<i>Acc.</i>	pāstōr em	pāstōr ēs	ov em	ov ēs	-em	-ēs
<i>Gen.</i>	pāstōr is	pāstōr um	ov is	ov ium	-is	-um/-ium
<i>Dat.</i>	pāstōr ī	pāstōr ibus	ov ī	ov ibus	-ī	-ibus
120 <i>Abl.</i>	pāstōr e	pāstōr ibus	ov e	ov ibus	-e	-ibus

[A] Ut 'pāstor' dēclīnantur haec vocābula: sōl sōlis, timor -ōris, clāmor -ōris (masc.); arbor -oris (fēm.); cēt.

[B] Ut 'ovis' dēclīnantur haec vocābula: pānis, collis, vallis, canis (gen. plūr. canum); nūbēs -is (nōm. sing. -ēs); mōns montis, dēns dentis (nōm. sing. -s < -ts); et alia multa. Fēminīna sunt: ovis, vallis, nūbēs; masculīna: pānis, collis, mōns, dēns.

PENSVM A

In Italiā sunt multī pāstōr-. Numerus pāstōr- magnus est. Pāstor Iūlii ūnum can- et multās ov- habet. Pāstor est domi-



*Vocābula nova:*

campus  
pāstor  
canis  
ovis  
cibus  
herba  
rīvus  
pānis  
mōns  
vallis  
collis  
arbor  
silva  
lupus  
sōl  
caelum  
terra  
nūbēs  
umbra  
vestigium  
timor  
dēns  
clāmor  
modus  
niger  
albus  
ūndēcentum  
ēst edunt  
bibit  
lūcet  
petit  
dūcit  
iacet  
relinquit  
lātrat  
errat  
quaerit  
reperit  
ululat  
bālat  
accurrit  
impōnit  
ipse  
procul  
suprā  
sub  
dum  
ut  
dēclīnātiō  
dēclīnat

nus can- et ov-. Can- et ov- pāstōr- amant. Cibus ov- est herba, cibus pāstōr- est pān-. Pāstor pān- ēst.

In coll- ūna arbor est. Pāstor cum can- et ov- ad arbor- it. Iam pāstor in umbrā arbor- iacet. Arbor pāstōr- et can- et ov- umbram dat, sed ov- nigra in sōl- iacet. Nūllae nūb- ante sōl- sunt. In silvā multae arbor- sunt, sub arbor- umbra est. Ov- nigra ā pāstōr- cēterisque ov- discēdit. Canis ov- videt.

## PENSVM B

Pāstor et centum — in — sunt. Pāstor ovibus aquam et — dat. Cibus ovium est —, cibus pāstōris est —. Pāstor pānem —. Ovēs herbam — et aquam — ē —.

Sōl —, nūlla — in caelō — hunc campum vidētur. In colle ūna — est, in — multae arborēs sunt. — arboribus umbra est. Pāstor ovēs suās ad arborem —. — pāstor in — arboris iacet, ovis nigra cēterās ovēs — et silvam —. In terrā sunt — lupī; lupus — nōn procul abest. Lupus in silvā cibum —, dum pāstor et — ovem quaerunt.

## PENSVM C

Num pāstor sōlus in campō est?

Quot ovēs habet pāstor?

Ā quō canis cibum accipit?

Suntne montēs prope pāstōrem?

Ubi sunt vallēs?

Quid est collis?

Quō it pāstor?

Cūr pāstor umbram petit?

Quō it ovis nigra?

Quid ovis in terrā videt?

Cūr lupus ovem nigram nōn ēst?